

海東札記

下

董蘭溪

K928.9

2

海東札記目次

余貳守海東逾三歲南北路通馬九所聽睹拾紙
襍然記之日積以多遂析為八類鈔存四卷隨筆
件繫藉備遺忘要無當於郡邑志體故挂漏不免
覽者諒之乾隆壬辰歲冬十月朔日武陵朱景英
幼芝自識

卷一

記方隅

記巖壑

卷二

記洋灣

記政紀

卷三

記氣習

記土物

卷四

記叢璫

記社屬

男和璽

和塚

海東札記卷三

記氣習

具四方之風謂之颶字从具今羣然作颶訛从貝呼亦貝音目轉為暴音矣字書無颶字亦土人臆撰者呼為台音風大而烈尤甚者為颶颶倏發倏止颶常連日夜正二三四月發者為颶五六月發者為颶九月則北風初烈或至連月為九降渡海以四八月為穩以四月少颶八月秋中十月小春天氣多晴暖故也六月多颶九月九降其最忌者颶將至則天邊斷虹先見一片如帆者曰破帆稍及半天如鬣尾

者曰屈蠃此其驗也颶無定期必與大雨同至必拔木壞垣飄瓦裂石久而愈勁舟雖停泊常致粉碎海上人甚畏之惟得雷聲即止諺云六月一雷止三颶七月一雷止九颶占颶者每視風信反常為戒如夏月應南而反北秋冬春應北而反南旋必成颶若七月北風亦主颶及其既作必四面傳遍如北風必轉東而南而西南風亦然或一二日或七八日不傳遍不止也颶驟而禍輕颶緩而禍久且烈昔人謂天地之氣交逆地氣鼓而海沸天風烈而雨飄故沈舟傾橋又謂春風畏始冬風慮終非習海上氣候者烏

能知之

暴信或先期即至或逾期始作總不出七日之內其期舟人悉習之相傳正月九日玉皇暴有風則終歲各暴皆驗否則至期或有風或無風靡所準也又十二月廿四日送神暴自是日至二十九日凡有南風則應來年有颶如二十四日應四月二十五日應五月二十九日應九月俱不爽

廈門之風早西晚東惟臺灣之風早東晚西每午後海上如煙霧濛濛名曰發海西四時皆然說者謂船出廈耳門必得東風方可揚帆遠湖來船必俟西

風裁可進港設早西晚東則去船過日中始能放洋
來船昏暮不能進口豈非風信之奇於此想越中樵
風之說不盡誣也

自九月至明年四月不雨殆累歲皆然五月以後大
雨時行甚有連綿匝月不歇者砌苔礎茵綠亭延
緣牆壁几榻津潤欲滴插架連箱靡不霉浥殊悶
悶也於日落時見西方雲色黯然一片如墨全無罅
竇不見雲脚者主來日雨郁滄浪云雲脚者如画家
繪水口石其下橫染一筆為水石之界者是也無脚
之雲如畫遠山但見山頭不見所止可謂善狀豐隆

者黃玉圖侍御云諸山煙靄蒼茫若山光透露便為風
雨之徵又飢鷲高唳海雀驚飛踰日必風春晚觀西冬
晚觀東有黑雲起主雨謬云冬山頭春海口

常年氣候皆燠雨後輒微涼薄肌所謂四時皆夏一
而成秋也入冬絕無霜雪故土人度臘少挾纊者遊客
三月輒著輕紗至十月不更每朔風驟凜忽易薄裘
曦光一射仍被縠衫一日之間暄涼數變故讌集頃裕
毳簾携以備不時脫換砌蟲夜響竟歲皆然春初已
絳夏萼膽餅折供若榻與山茶掩暎不足怪也更有狂
飈怒號轉覺灼體風過後木葉焦萎如熟俗謂之麒

麟髓云風中有火珠可詫異

舊傳野不苦旱以土沙含潤又露氣重也予嘗秋郊
早行辨明時草露已晞志所謂入夜霏如霰茅簷日
高尚溜餘滴者無有也或曰近年人煙漸稠故露氣
減於昔云

黃玉圃侍御曰廣東志云嶺南陰少陽多故四時之
氣闢多於闔一歲間溫暑過半元府常開毛腠不掩
每因汗溢即致外邪蓋汗為病之媒風為汗之本二
者一中寒瘡相乘其疾往為風淫又云盛夏士庶出
入率以青布裹頭蓋以其候南風為厲一侵陽明則

病不可起此地正相同余見寓臺者小有感冒投表劑則內府虛餒而俗師驟施溫補之藥變症又不可思議矣大抵來此者堅強變為柔脆十常八九矣

臺灣本島夷境祇今林、總、皆漳泉潮惠之人占居於此凡歲時婚喪諸儀節率沿其土風要不得目為臺灣習俗也顧海外襍然雖疆索視內治而流而不返之勢已成積重有心挽救者非洞見其受病所自烏能相賡理而鍼砭之哉

好鬪輕生舊習故未殄也每睚眦微隙輒散擯榔一呼鬨集當衢列械橫擊不可嚮邇陳肆者收所售物

如恐不及蓋稍需則乘機攫奪盡矣七月中元索臺
延僧道施食其上至於更闌擁觀者爭所施食名曰
搶孤有亂毆至死者又開場演劇小伶流睃所及名
曰目箭人必爭之揮拳斃命亦所時有此皆習之
惡者當厲禁之

海外百貨叢集然直倍中土俗尚華侈雖傭販輩徒
跣載道顧非紗帛不裋婦女出不乘輿衽服茜裙擁
傘逴逴遠中略無顧忌匠作冶金範銀釵筭釧珥之
屬製極工巧凡鬻冠服履襪者各成街市閭閻五都
奢可知已

無男女老少羣然好博有毬寶毬字湯扒攤毬錢
諸戲洋錢大者一博動以千計洋錢銀錢也來自咬
啣吧呂宋諸國臺地交易賞費皆用之大者一枚重
七錢二分有二當一者曰中錢有四當一者曰菱仔且
有八當一十六當一者臺人均謂之番錢亦稱番餅
土人啖檳榔有日費百餘錢者男女皆然行卧不離
口啖之既久脣齒皆黑雖貧家日食不繼惟此不可
缺又解紛者彼此送檳榔輒和好款客者亦以此為
敬

俗喜迎神賽會如天后誕辰中元普度輒醵金境內

備極鋪排導沒列仗華侈異常又出金傭人家垂髻
女子裝扮故事昇遊於市謂之擡閣靡々甚矣每舉
尚王醮設壇造舟送迎儼恪糜費尤屬不貲

神祠里巷靡日不演戲鼓樂喧闐相續於道演唱多
土班小部簇聲詰屈不可解譜以絲竹別有官商名
曰下南腔又有潮班音調排場亦自殊異郡中樂部
殆不下數十云

鴉片產外洋咬嚼吧呂宋諸國為渡海禁物臺地無
賴人多和烟吸之謂可助精神徹宵不寐凡吸必邀
集多人更番作食鋪席於地衆偃坐席上中燃一

燈以吸百餘口至數百口為率煙筒以竹為管大約九分中實機絲頭髮兩頭用銀鑲首側開一孔如小指大以黃泥指成壺盧樣空其中以火煨之嵌入首間小孔上置鴉片煙於壺盧首煙止少許吸之一口立盡格、有聲飲食頓令倍進日湏肥甘不尔腸胃不安初服數月猶可中止迨服久偶輟則困憊欲死卒至破家喪身凡吸者面黑肩背兩眼淚流腸脫不收而死

凡遊臺者蕩子癖狹斜之遊敗類耽擗菑之戲貪毒煙以自戕其膏比匪人而甘罄其橐以致生歸無日賁

恨埋沙縵令綿息僅存含羞托鉢習之不咸轍胡勿
鑒至於斯極悔何及哉

臺灣更有一種無賴之人出則持挺行必佩刀或數
巨莊或潛深谷招呼用類誦誘蚩愚始而伏黨群偷
繼而攔途橫奪蓋梗化之尤者初方目為羅漢脚而
治之不早將有鴟張之勢如朱一貴以一飼鴨奴跳
梁黃教以一盜牛賊作逆雖先後剗日就戮而官軍
受其戕害村莊遭其荼毒已不可勝言矣吾願司土
者尚時時留心斯輩也可

記土物

有物非此土所產來自中土他海者有名繫此土實
非產自此土者有此土與中土他海同產而早晚稀稠
有別與夫形狀小異者有實為此土獨產者或畧或
詳就見聞所及記之

稻之屬若秔稻有早占埔占尖粟三杯圓粒各種秣
稻有赤殼席皮鴨母鵝卵各種早占種於二三月成
於六七月田中種之埔占種於三四月成於八九月園
中種之圓粒無多三杯殼薄而米白但不耐久貯尖
粟殼厚而米麤收倉十年不腐故各屬正供惟收此
種鵝卵秣性極黏諸秣中窠佳者又鳳山淡水東西

港早冬種於十月收於三四月名曰雙冬又為他邑之所無也臺地土壤肥沃田不資糞種植後聽之自生不事耘耔望享收成倍於中土近歲糴價不賤居民炊釜頗艱則以逐利者祇貪越販故蓋藏鮮焉

南路地熱不宜麥北路種者甚多三月可收不待麥秋也凡小麥開花北地以晝南方以夜臺麥如北地故其性窳良又一種狀如棗實如石榴子一葉一穗、數百粒土人謂之番麥

黃豆黑豆赤豆綠豆黃梁胡麻之屬北路廣種之種同中土而收穫較早